

唐
音
統
籤

已籤六

世次無

三

三十三人同卷

唐音統籤卷

八百六十六

徐謙

以下二人載文苑及事

短歌二首

窮通皆是運榮辱豈關身不願

一作願

門前客看時

造故人

意氣青雲裡典朗烟霞外不羨一囊錢唯重心襟

會

吳英秀

鷓鴣

莫把金籠閉鷓鴣個個聰明解人語忽然更向君

前言三十六宮愁幾許

謝蘭

見文粹

雜言

天不與人言禍福能自至水火雖活人暫不得即
死蹈之焚斯須憑之溺容易水火與禍福豈有先

言耳

張熾

以下二人見
郭茂倩樂府

歸去來引

歸去來歸期不可違相見旋明月浮雲共歸

李彥暉

暉文苑作遠
品彙作暉

採桑

採桑畏日高不待春眠足攀條有餘態那矜一作吟
貌如玉千金豈不贈五馬空躑躅何以變真性幽
篁雪中綠

李季華

以下一十六人
載萬首絕句

題季子廟

季子讓社稷又能聽國風寧知千載後蘋藻冷祠
宮

王玄

聽琴

拂塵開按匣何事獨顰眉古調俗不樂正聲君自
知

朱光弼

銅雀妓

魏王銅雀妓日暮管絃清一見西陵樹心悲舞不
成

宮詞

夢裡君王近宮中河漢高秋風能再熱團扇不辭
勞

魏瓘

登清居臺

迤邐清居臺連延白雲外側聆天上語下視飛鳥背

柳明獻

游昌祀精舍

寶臺侵漢遠金地接霞高何必遊天外祈此契虛教

夏侯子雲

藥圃

綠葉紅英遍僊經自討論偶移岩畔菊鋤斷白雲

根

紆千著

賞殘花

零落多依艸
芳香散著人
低簷一枝在
猶占滿堂春

古僊詞

珠幡絳節晚霞中
漢武清齋待少翁
不向人間戀
春色桃花自滿紫陽宮

感春詞

未得鳴珂謁漢宮
江頭寂寞向春風
悲歌一曲心

應醉萬葉千花淚眼中

灞上

鳴鞭晚日禁城東
渭水晴烟灞岸風
都傍柳陰回首望
春天樓閣五雲中

銅雀妓

秋色西陵滿綠蕪
繁絃急管強歡娛
長舒羅袖不成舞
却向風前承淚珠

滕潛

鳳歸雲二首

金井欄邊見羽儀
梧桐枝上宿寒枝
五陵公子憐

文彩画興佳人刺綉衣
飲咏蓬山最上頭和烟飛下禁城秋曾將美玉歸
雲去金翻斜開十二樓
方愚

讀孝經

星彩滿天朝北極源流是處赴東溟為臣為子不
忠孝事負宣尼一卷經

蔡崑

善卷先生壇

幾到壇邊登閣望因思遺跡咏今朝當時為重

華出不是先生傲帝堯

句

飄飄隨暮雨
颯颯落秋山

落葉
王正字詩格

裴瑤

閨閣城懷古

五湖春水接遙天
國破君亡不記年
惟有妖娥曾舞處
古臺寂寞起愁烟

許堅

登游齊山

星使南馳入楚重
此山偏得駐行蹤
落花滿地月

華冷寂寞鶴山三四峯

令狐挺

題鄜州相思鋪

誰把相思號此河塞垣車馬往來多只應自古征
人淚灑向空川作逝波宋朝鄆苑云鄜州東百里
有水名相思河岸有郵
置名曰相思鋪今狐挺題壁以詩缺民不知何
據作唐人天中記引之又作今狐楚侯再攷
顧甄遠

惆悵詩九首

魂黯々兮情脉脉
簾風清兮窓月白
夢驚枕上爐
燼銷不見藍珠宮裏客

禁漏聲稀蟾魄冷紗厨筠簟波光淨獨坐愁吟暗
斷魂滿窓風動芭蕉影

別恨離腸空惻々風動虛軒池水白莫言靈園步
難尋有心終效偷香客

愁遇人間好風景焦桐韻滿華堂靜鑑鸞奴燕恨
何窮忍向銀床空抱影

綠槐影裡傍青樓陌上行人空舉頭湘水露花無
處問搖鞭疑睇不勝愁

役盡心神銷盡骨恩情未斷忽分離平生此恨無
言處只有衣襟淚得知

濃醪艷唱愁難破骨瘦魂消病已成若爲多羅年
少死始甘人道有臥情

淚滿羅衣酒滿卮一聲歌斷怨傷離如今兩地心
中事直是瞿曇也不知

橫泥杯觴醉復醒愁牽時有小詩成早知惹得千
般恨悔不天生解薄情

李歸唐

失鷺鷥

惜養來七歲月深籠開不見意沉吟也知祇在秋
江上明月蘆花何處尋

張佐

集 衆妙

憶游天台寄道流

憶昨天台到赤城，幾朝仙籟耳中生。
雲龍出水風聲急，海鶴鳴皋日色清。
石笋半山移步險，桂花當澗拂衣輕。
今來盡是人間夢，劉阮茫茫何處行。

徐介

見曹汾詩
杜集附錄

耒陽杜工部祠堂

手接汨羅水，天心知所存。
固教工部死，來伴大夫魂。
沅流落千古，風騷共一源。
消凝傷往事，斜日隱顏垣。

張促

以下五人載
三體唐詩

寄人

酷憐風月為多情
還到春時別眼生
倚柱尋思倍惆悵
一場春夢不分明

景池

秋夜宿淮口

露白草猶青
淮舟倚岸停
風帆幾處客
天地兩河星
樹靜禽眠草
沙寒鹿過汀
明朝誰結伴
直去泛滄溟

張鴻

贈喬尊師

長忌時人識有家雲澗溪性惟耽嗜酒貧不破除
琴靜鼓三通齒頰湯一味參知師最知我相引坐

柳陰

杜常

元稹圖至云唐新舊史及諸家小說並無杜常姓名孫公諤嗣以為宋人又有以為杜后宋人者近世焦弱侯云家有其碑刻是唐人始在之杜常詩三首驪山有石刻宋人無疑

華清宮

行盡江南數十程曉星殘月入華清朝元閣上西
風急都入長楊作兩聲
三體註以華清宮在驪山長楊在藍屋相去路遠為疑正不知作者之意自云兩地相望俱入風雨中參離黍秀之感耳若別用近地語豈佳

方澤

武昌阻風

江上春風留客舟，無窮歸思滿東流。
與君盡日閑臨水，貪看飛花忘却愁。

唐竟客

以下四人
載品彙

大梁行

客有成都來，為我彈鳴琴。
前彈別鶴操，後奏大梁吟。
大梁傷客情，荒臺對古城。
版築有陳跡，歌吹無遺聲。
雄哉魏公子，時日好羅英。
秀士三千人，煌煌列衆星。
金槌奪晉鄙，白刃刎侯嬴。
邯鄲救趙北，函

谷走秦兵君子樂且昧忠信莫之明間諜忽來及
雄圖靡克成千齡萬化盡但見汴水清舊國多孤
壘夷門荆棘生蒼梧綠雲沒汲浦綠池平聞有東
山去蕭々班馬鳴河洲寒宿莽日夕淚沾纓回之
言公子慷慨此歌行

林瑀

送安養閻主簿還竹寺

分手怨河梁南征歷漢陽江山追宋玉雲雨夢襄
王醉裏宜城近歌中郢路長更尋栖枳處猶是念
仇香

石召

送人歸山

相逢雅道在誰不共知貧歸路分殘西停舟別故人霜明松嶺曉花暗竹房春亦有栖閑意何年可寄身

早行遇雪

荒郊昨夜雪羸馬又須行四顧無人迹鷄鳴第一聲

朱晦

秋日送別

荒郊古陌時々斷野水浮雲處々
秋唯有河邊衰柳樹蟬聲相送到揚州

鄭翺

見海錄
碎事

句

花燒落第眼兩破到家程

下第東
歸詩

已籤六

世次無致詩

四

二十九人同卷

唐音統籤卷

八百六十七

黃文

宋滕宗諒詩七十八首錄石嵌樓壁文詩及後姚揆唐

溫如麻溫其同岳秀諸詩皆列其中不能定唐何代人也

湘江

瀟湘江頭三月春柳條弄日搖黃金鵬鴒一聲在

何許黃陵廟前烟霽淡丹青欲盡無好手穩提筆

勒沉吟久馬啼不為行客留心掛長林屢回首

姚揆

巴陵

天淡雨初晴游人恨不勝亂山啼蜀魄孤棹宿巴

陵影暗村橋柳光寒水寺燈罷吟思故國窓外有
漁罾

潁川客舍

見三
唐詩

素琴孤劍尚閒游誰共芳樽話唱酬鄉夢有時生
枕上客情終日在眉頭雲拖兩脚連天去樹夾河
聲遶郡流回首帝城歸不得不堪吟倚夕陽樓
唐溫如

題龍陽縣青草湖

西風吹老洞庭波一夜湘君白髮多醉後不知天
在水滿船清夢壓星河

麻溫其

登岳陽樓

湖邊景物屬秋天樓上風光似去年
仙侶緱生留福地湘娥帝子寄哀絃
雲門自繞軒臺外木葉偏飛楚客前
極目江山何處是一帆萬里信歸船

周岳秀

君山祠

萬頃湖波浸碧天旌封香火幾千年
風濤澎湃魚龍舞棟宇崢嶸燕雀遷
遠岫光中濃淡樹斜陽影裡往來船
江河願借吹噓便應有神功在目前

趙湘

以下見方輿勝覽

題天台石橋

白石峰猶在橫橋一徑微
多年無客過落日有雲歸
水淨苔生髮山寒樹著衣
如何方廣寺千古去人稀

楊持

寄朗陵兄

刺舉官猶屈風謠政已成
行看換龜組奏最謂承

明

郭思

句

落星一石幾千年門外何人扣漢川

白石鎮古城

盧載

句

五千里地望皆見七十二峰中最高

祝融峯

張懷

范石湖吳郡志

吳江別王長史

多年襟被玉山岑髻雪欺人忽滿簪
駕馬雖然貪短豆野廩終是憶長林
鱸魚未得乘歸興鷗鳥唯應信此心
見說新橋好風景會須乘月濯煩襟

李聰見錦綉萬花谷

咏淝溪在歷陽西一里

冷一一帶清溪水遠派通歷陽市涓一出自碧湖

中流入楚江烟霧裏

楊彝以下見各地誌

過睦州青溪渡

天濶銜江雨冥一上客衣潭清魚可數沙晚雁爭

飛川谷留雲氣鷓鴣傍釣磯飄零江海客歌側一

帆歸

王俊寰宇記云唐攷功郎中不著何代人

句

勝日登樓望山川一半春

桂林道遙

歐陽賓

莫依符桂林風土記賓作贈

警家洲

舊業分明桂水頭人歸業盡水東流春風日暮江

頭立不及漁人有釣舟

何敬

題吉州龍溪

龍溪之山秀而峙龍溪之水清無底狂風激烈翻
春濤薄霧冥濛溢清泚奔流百折銀河通落花滾

唐詩集卷之八
卷之八
已
滾浮霞紅四時佳境不可窮彷彿直與桃源通
慕容韋

度揭鴻嶺 漳州

閩越曾為塞將軍舊置營我歌空感慨西北望神
京

鄭玉

葦谷 在鄞州谷中
多蘆葦故名

水會三川漾碧波雕陰人唱採花歌舊時白翟今
荒壤葦谷淒淒風雨多

史瑜

句

溪從沮水流
蟠冢嶺接青泥入劍天山青泥

李習

凌雲寺在嘉定州九頂山

古寺臨江間
碧波石梯深入白雲窠
僧禪寂々無

人跡滿地落花又過

鄭僕射二人見洪氏絕句失名

湘中怨諷

青鵲苦幽獨
隔江相對稀
夜寒蘆葉兩空作一聲

歸沈亞之集載鄭生與相中鮫女合有贈答詩名湘中怨見後壬歲此或小說家依微別撰抑

自有鄭擬作皆
未可悉俟再考

任生

題升山

城外升山寺城中望宛然及登無半日欲到已經年

任生麗情集

投曹文姬詩

文姬長安中娼女工翰墨時号書仙

玉皇前殿掌書仙一染塵心下九天莫怪濃香薰

骨賦雲衣曾惹御爐烟

京兆韋氏子

悼妓詩

唐閼史常崇一妓于洛顏色明秀尤善音律工書堂令寫杜工部詩有

訛帆能改正韋甚溺之年二十一卒韋情痛有嵩山任處士得返魂術用一經身金縷裙尊具魂招之果喚轉而出幽芳怨態若不白勝興之言領首而已適刻滅生長

詩曰

惆悵金泥簇蝶裙
春來猶見伴行雲
不教布施剛留得
渾似初逢李少君

荆叔

題慈恩塔

客奇五筆云慈恩塔有削外一絕字極小而端勁最為威人其詞音

高遠不知為何時人必唐世詩流所作也

漢國山河在秦陵
草樹深暮雲千里色
無處不傷

心

崔公佐客

獻公佐詩

廊閣雅談云云佐牧郡日宴賓僚有一客中履不完衣破肘見突縫

而入崔喜其未令下牙等引滿數觥神色

自若飲妓歌其藍樓曰大噱客獻詩云云

破額幘頭衫也穿使君猶許對華筵今朝幸倚文

章守遮莫青蛾笑揭天

浴中舉子

贈妓茂英

太平廣記茂英年小時舉子與相識後到江外偶于飲席遇之因贈

憶昔當初過柳樓茂英年小尚嬌羞隔窓未省聞

高語對鏡曾窺學上頭一別中原俱老大再來南

國見風流彈絃酌酒話前事零落碧雲生暮愁

又贈

舉子時謂即帥留連數月宴飲既頻茂
英為酒糺諧戲頗洽一日告辭帥閣進
送別曰時留絕句與之帥取覽
知其情即令人送付舉子

少挿花枝少下籌須防女伴妬風流坐中若打占

相令除却尚書莫點頭

江陵士子

寄故姬

盧氏雜記曰江陵寓居士子忘其姓
名有美姬甚貧去游交廣間戒其姬

曰我若五年不歸任汝改遷去後五年未
歸姬遂為前刺史所納在高麗坡底及明
年歸已失姬所在尋訪知處遂為詩寄之
刺史見詩恰一百千及資裝道還士子

陰雲幕幕下陽臺
惹著衰王更不迴
五度看花空有淚
一心如結不曾開
纖蘿自合依芳樹
覆水寧思返舊杯
惆悵高麗坡底宅
春光無復下山來

織錦人

吟

盧氏雜說云盧氏子失第徒步出都城逆旅寒甚有一人續至附火吟云云盧愕然以為白樂天詩問姓名曰姓李世織綾錦以前屬東都官錦坊近以薄伎投本行皆云以今花樣與前不同不謂伎倆兒以文彩求售者不重乎世如此且東歸去

學織綾綾功未多亂拈機杼錯拋梭
莫教宮錦行家見把此文章笑殺他

如今不重文章士莫把文章誇向人

吏部選人

萬首絕句

送南中尉

羨君初拜職嗟我獨無名
且是正員尉全勝兼試
卿

建業卜者

題紫微觀

昨日朝天過紫微
醺壇風冷杏花稀
碧桃泥我傳消息
何事人間更不歸

天嶠游入

題鄧仙客墓

雲溪友議云麻姑山有鄧仙客
晉延康代為國師錫紫服涓死

自京歸萃是山云是屍解丘隴松栢相望
詞人經過吳咏幾千首忽有一少年偶題
一絕不言姓字但云天嶠游入後來觀其
所刺無復為文鄧氏之名曰斯滅笑

鶴老芝田雞在籠上清那與俗塵同既言白日升
仙去何事人間有殞宮

驪山游人

題故翠微宮

茂苑云翠微寺在驪山絕頂舊
驪宮也唐太宗避暑于此後寺

人題云
廢有游

翠微寺本翠微宮樓閣亭臺幾十重天子不來僧
又去樵夫倒却一株松

衡州舟子

吟

語林云衡州人多文詞至于樵夫往往能
言詩嘗有人赴廣州幕府夜聞舟中吟問
之乃其所作也

野鵲灘西一棹孤月光遙接洞庭湖堪嗟迴雁峯
前過望斷家山一字無

華山老人

月夜

澗水冷々聲不絕溪流茫々野花發自去自來人
不知歸時常對空山月

終南山翁

終南

霜鶴鳴時夕風急亂鴉又向寒林集此君輟棹悲
且吟獨對蓮花一峯立

已籤七無名氏詩

四十首

唐晉統籤卷

八百六十八

明月湖醉後薔薇花歌

見英才子詩

萬朶當軒紅燭晚陰照水塵不著西施醉後情

不禁侍兒扶下蕊珠閣柔條嫩葉

一作輕鶻鯉一

低一昂合又開深紅淺綠狀不得日斜池畔香風

來紅能柔綠能軟濃淡參差相宛轉舞蝶雙誰

喚來輕銷片片何人剪白髮使君思帝鄉驅妻頷

女遊花傍持盃憶着曲江事千花萬葉盡宮牆復

有同心初上第日暮華筵移水際笙歌日日徵教

坊傾國名娼盡佳麗我曾此處同諸生飛盃落盞

紛縱橫將欲得到上天路剛向直道中行去一朝失
勢當如此萬事如灰壯心死誰知奏御數萬言翻
割龜符四千里丈夫遭則賢窮則愚胡為紫胡為
朱莫思身外窮通事且醉尊前一百壺

春二首

以下見方調集 本集載無名氏詩
五十一首今刪去已見李白劉禹錫詩
譚趙嘏鄭谷各集者
六首得四十四首

裏上東風吹水國金鴉影煖南山北蒲抽小劍割
湘波柳拂長眉舞春色白銅堤下烟蒼蒼林端細
藥參差香綠柔枝下見桃葉迴看青雲空斷腸
烏足遲遲日宮裏天門擊鼓龍蛇起風師剪翠換

枯條青帝接藍染江水蜂蝶綃紛抱香藥錦鱗跳
擲紅雲尾綉衣白馬不歸來變成倚檻春心醉

夏

赤帝旗迎火雲起南山石裂吳牛死綉楹夜々箔
鰕鬚象榻重々簾湘水彤々日脚燒冰井古陌塵
飛野烟靜漢帝高堂汗若珠班姬明月無停影

秋

月色驅秋下穹昊梁間燕語辭巢蚤古苔凝紫貼
瑤堦露槿啼紅墮江州越客羈魂挂長道西風欲
揭南山倒粉娥恨骨不勝衣映門楚碧蟬聲老

冬

蒼茫枯磧陰雲端古木號空晝光短雲擁三峯嶽
色低冰堅几曲河聲斷浩汗霜風刮天地溫泉火
井無生意澤國龍蛇凍不伸南山瘦栢銷殘翠

雞頭

湖浪參差疊寒玉水仙曉展鉢盤綠淡黃根老粟
皺圓染青刺短金盃熟紫羅小囊光緊蹙一掬真
珠藏媚腹叢上引臂傍蓮洲滿川恐作天雞哭

紅薔薇

九天碎霞明澤國造化工夫潛剪刻淺碧眉長約

細枝深紅刺短鉤春色晴日常樓晚香歇錦帶盤
空欲成結謝豹聲催夢隴秋春風吹落猩血

斑竹簟

龍鱗滿床波浪濕血光點點湘娥泣一片晴霞凍
不飛深沉盡訝蛟人立百朵桃花蜀纈明珊瑚枕
滑葛衣輕閑寬獨卧曉不起冷浸羈魂錦江裡

聽琴

六律鏗鏘開宮徵伶倫寫入梧桐尾七條瘦玉叩
寒星萬派流泉哭纖指空山雨脚隨雲起古木燈
青嘯山鬼田文墮淚曲未終子規啼血哀猿死

印作

石榴

蟬嘯秋雲槐葉齊石榴香老庭枝低流霞色染紫
罌粟黃蠟紙苞紅瓠犀玉刻冰壺含露濕編班似
帶湘娥泣蕭娘初嫁嗜甘酸嚼破水精千萬粒

秦家行

慧孖飛光照天地九天瓦裂屯冤氣鬼哭聲々怨
趙高宮花滴盡扶蘓淚禍起蕭牆不知散羽書催
築長城急劍上忠臣血未乾沛公已向函關入

小蘓家

雙月謳謳輾秋碧細風斜掩神仙宅
麥門冬長馬鬣青茱萸葉綻蠅頭赤
流蘇斗帳懸高壁綵鳳盤龍繳香額
堂內月娥橫前波倚門腸斷鰕鬚隔

斑竹

濃綠疎莖遶湘水春風抽出蛟龍尾
色抱霜花粉黛光枝撐蜀錦紅霞起
交戛敲歌無俗聲滿林風戛力槍橫
殷痕苦雨洗不落猶帶湘娥淚血腥
嫋娜梢頭掃秋月影穿林下疑殘雪
我今慙愧子猷心解愛此君名不減

天竺國胡僧水精念珠

天竺胡僧踏雪立紅精素貫鮫人泣細影疑隨焰
火銷圓光恐滴袈裟濕夜梵西天千佛聲指輪次
第驅寒星若非葉下滴秋露則是井底圓春水淒
清妙麗應難並眼界真如意珠靜碧蓮花下獨提
攜堅潔何如幻泡影

白雪歌

皇穹何處飛瓊屑散下人間作春雪五花馬踏白
雲僊七香車碾瑶墀月蘊岳乳洞擁山家澗藤古
栗盤銀虵寒郊複疊鋪柳絮古磧爛熳吹蘆花流
泉不下孤汀咽斷臂老猿聲欲絕烏啄冰潭玉鏡

開風敲簷溜水晶
折拂戶初疑粉蝶飛
看山又訝白鷗歸
孫康凍死讀書闌
火井不煖溫泉微

琵琶

粉臂繡臆誰家女
香撥星。共春女七盤嶺上走
鸞鈴十二峯頭弄雲雨
千悲萬恨四五絃絃中甲
馬聲駢闐山僧撲破琉璃鉢
壯士擊折珊瑚鞭
珊瑚鞭折聲交戛
玉盤傾瀉真珠滑
海神驅趨夜濤回
江城魔踏春冰裂
滿坐紅粧盡淚垂
望鄉之客不勝悲
曲終調絕忽飛去
洞庭月落孤雲歸

傷哉行

兎走烏飛不相見人事依稀連如電王母天批一
度開玉樓紅粉千回變車馳馬走咸陽道石家舊
宅空荒艸秋兩無情不惜花芙蓉一一驚顛倒勸
君莫謾栽荆棘秦皇虛費驅山力英風一去更無
言白骨沈埋暮山碧

留贈偃師主人

孤城漏未殘徒侶拂征鞍洛北去愁遠淮南歸夢
闌曉燈迴壁暗晴雪卷簾寒更盡主人酒出門行
路難

長門

悵望黃金屋恩衰似越逃花生針眼刺目送剪腸
刀地近歡娛遠天低雨露高時看回輦處淡陰濕
天桃

宴李家宅

家一作君

画屏深掩瑞雲光羅綺花飛白玉堂銀盞酒傾魚
尾倒金罍灰滿鴨心香輕搖綠水青蛾歛亂觸紅
絲皓腕狂今日恩榮許同聽不辭沈醉一千觴

長信宮

細草侵階亂碧鮮宮門深鎖綠楊天珠簾欲捲攏
秋水羅幌微開動冷烟風引漏聲過枕上月移花

影到窗前獨挑殘燭魂堪斷却恨青蛾誤少年

驪山感懷

武帝尋仙駕海遊禁門高閉水空流
深宮帶日年華色翠栢凝烟夜夜愁
鸞鳳影沈歸萬古歌鍾聲斷夢千秋
晚來惆悵無人會雲雨能飛傍玉樓

絕句

石沉遼海濶劍別楚山長
會合知無日離心滿夕陽

聽唱鷓鴣

金谷歌傳第一流鷓鴣清怨碧雲愁
夜來省得曾

聞處萬里月明湘水流

雜詩

勸君莫惜金縷衣勸君須惜少年時有花堪折直

須折莫待無花空折枝

杜牧云李賀常唱此詞然寔詩所作也

青天無雲月如燭露泣梨花白如玉子規一夜啼

到明美人獨在空房宿

空賜羅衣不賜恩一薰香後一銷魂雖然舞袖何

曾舞常對春風裏淚痕

不洗殘粧凭綉床也同女伴綉鴛鴦迴鍼刺到雙

飛處憶著征夫淚數行

眼想心思夢裏驚無人知我此時情不如池上鶯
鶯鳥雙宿雙飛過一生

一去遼陽繫夢魂忽傳征騎到中門紗窗不肯施
紅粉圖遣蕭郎問淚痕

鸚鵡啼露冷酒初醒罨畫樓西曉角鳴翠羽帳中人
夢覺寶釵斜墜枕函聲

行人南北分征路流水東西接御溝終日坡前怨
離別謾名長樂是長愁

偏倚綉床愁不起雙玉筍翠環低捲簾相待無
消息夜合花前日又西

悔將淚眼向東開待
愁從望裡來三十六峰猶
不見况伊如燕這身材

滿目笙歌一段空萬般離恨總隨風多情為謝殘
傷意興展晴霞片片紅

兩心不語暗知情燈下裁縫月下行
到堦前知未睡夜深聞放剪刀聲

近寒食兩草萋萋著麥苗風柳映堤早是有家歸
未得杜鵑休向耳邊啼

水紋珍簾思悠悠千里佳期一夕休從此無心愛
良夜任他明月下西樓

數日相隨而不忘卽心如妾妾如卽出門便是東
西路把取紅牋各斷腸

無定河邊暮角聲赫連臺畔旅人情函關歸路千
餘里一夕秋風白髮生

花落長川草色青暮山重疊兩冥冥逢春便覺飄
蓬苦今日分飛一涕零

洛陽才子隣簫恨湘水佳人錦瑟愁今昔兩成惆
恨事臨邛春盡暮江流

浙江輕浪去悠悠望海樓吹望海愁莫怪鄉心隨
魄斷十年為客在他州

初過漢江

以下蘆中集

襄陽好向岷亭看人物蕭條值歲闌為報習家多
置酒夜來風雪過江寒

讀庾信集

四朝十帝盡風流建業長安兩醉游
惟有一篇楊柳曲江南江北為君愁

已籤七無名氏詩二

唐音統籤卷

八百六十九

觀南郊回仗

以下文苑英華

傳警千門寂南郊絲仗回但驚龍再見誰識日雙
開德澤施雲雨恩光變燼灰闔兵繞武振聰樂鳳
凰來侯刺移宸輦尊時集觀臺多漸遠臣職不得
禮容陪

謁見日將至斐闕

曉色臨斐闕微臣禮位陪遠驚龍鳳觀誰識冕旒
開藹々千年盛顯々萬國來天文標日月時令布
雲雷迥出黃金殿全分白玉臺離虫意何取瞻戀

不知回

尚書卽上直聞春漏

地卽尚書省人惟鴛鴦行審時傳玉漏直夜遞星
卽歷七閭仙署冷冷出建章自空來斷續隨月散
淒鏘物靜知聲遠寒輕覺夜長聽餘殘月落曙色
滿東方

晨光動翠華

早朝開紫殿佳氣逐清晨北闕華旌在東方曙景
新影連香霧合光媚慶雲頻烏羽輒初定龍文照
轉真直疑冠佩入長愛冕旒親搖動祥雲裡朝朝

映侍臣

華清宮望幸

驪岫接新豐
荒岩駕碧空
鑿山開秘殿
隱霧蔽仙宮
絳闕猶棲鳳
雕梁尚帶虹
溫泉曾浴日
華館舊迎風
肅穆瞻雲輦
深沉閉綺櫳
東郊望幸處
瑞氣靄濛濛

御題國子監

宸翰符玄造
榮題國子門
筆鋒回日月
字勢動乾坤
簷下雲光絕
梁間鵲影翻
張英聖莫擬
索靖妙難言
為著盤龍迹
能彰舞鳳蹲
更隨垂露像
常以

沐皇恩

太學創置石經

盧氏雜說云開成中高鋐知舉內出霓裳羽衣曲賦及此

詩題

聖唐復古制德義功無替興旨悅詩書遺文分篆隸銀鈎互交映石壁靡塵翳永興乾坤期不逐日月逝儒林道益廣學者心彌銳從此理化成恩光遍遐裔

焚裘

今主臨前殿懲奢藝異裘忽看陽焰發如觀吉光流麗彩穠宸宸餘者在御樓火隨餘燼滅氣遂遠

烟浮素朴回風變凋華逐志休永垂恭儉德千古
揖皇猷

送薛大夫和蕃

戎王歸漢命魏絳諭皇恩旌旆辭雙闕風沙上五
原往途遵塞道出祖耀都門策令天文盛宣威使
者尊澄波看四海入貢佇諸蕃秋杪迎回騎無勞
枉夢魂

壽星見

玄象今何應時和政之平祥為一人壽色映九霄
明皎潔垂銀漢光芒近斗城含規同月滿表瑞得

天清甘露盈條降祥烟向日生無如此嘉祉率土
荷秋成

華山慶雲見

聖主祠名岳高風發慶雲金柯初繚繞玉葉漸氛
氲氣色含珠日光明吐翠雲依稀來鶴態彷彿列
仙群萬樹流光影千潭寫錦文蒼生祈有望祥瑞
在吾君

觀慶雲圖

五雲從表瑞藻繪宛成圖柯葉何時改丹青此不
踰非烟色尚麗似蓋狀應殊渥彩看猶在輕陰望

已無方將遇翠幄那羨起蒼梧欲識從龍處今逢
聖合符

望禁苑祥光

佳氣生天苑蔥籠幾效祥樹遙三殿際日映九成
傍山霧寧同色卿雲未可彰眺汾疑鼎氣臨渭想
榮光當並春陵發應開聖曆長微臣時一望短羽
欲飛翔

嘉禾合穎

天祚皇王德神呈瑞穀嘉感時苗時一作自秀證道
葉方華氣轉騰佳色雲披映早霞薰風浮合穎湛

唐音續集
露淨祥花六穗垂兼倒孤蕖媚復斜影同唐叔猷
稱慶比周家

膏澤多豐年

帝德方多澤每。井迺同八方甘雨布四遠報年
豐厥慶千箱在山流萬壑通候時勤稼穡擊壤樂
農功猷畝人無惜田廬歲不空何須憂伏臘千載
賀堯風

聞擊壤

堯年聰野老擊壤復何云自謂猷由已寧知德在
君氣平閑易暢聲賀作難分耕鑿方隨日恩威比

望雲簣桴均下調和木等南薰無落於吾事誰將
帝力聞

觀劍南獻捷

避圻新破虜名將舊登壇戎馘西南至亂衆長幼
觀邊疆氣已息矛戟血猶殘紫陌歡聲動丹墀喜
氣盤唐虞方德易衛霍比功難共覩俘囚入賡歌
萬國安

雲母屏風隔坐

彩障成雲母丹墀隔上公才彰二紀盛榮播一朝
同近玉初齊白臨花乍散紅凝姿分縹緲轉珮聲

玲瓏意慙思偏厚名新寵更崇誰知歷千古猶自
仰清風

白受采

晶晶金方色遷移妙不窮輕衣塵跡化淨壁續文
通沙變藍溪清冰渝墨沼空似甘言受和由禮學
資忠皎潔形無定玄黃用莫同素心如可敬願染
古人風

人不易知

權衡諒非易愚知信難移九穗皆殊進三端豈易
施同稱昆岫寶其然其握桂林枝鄭鼠今奚別齊竿或

濫吹瑤臺有光鑑屢照不應疲片善當無掩先鳴
貴在斯龍門峻且極驥足庶來馳太息李元禮期
君幸一知

秋日懸清光

寥廓涼天靜晶明白日秋圓光含萬象碎影入閑
流迥與青冥合遙同江甸浮晝陰殊衆木斜影下
危樓宋玉登高怨張衡望遠愁餘輝如可托雲路
豈悠悠

落日山昭曜

徘徊空山下晚晚殘陽落圓影過峰巒半規入林

薄餘光徹群岫亂彩分重疊石鏡共澄明岩光同
照灼棲禽去杳々夕烟生漠々此境一作景誰復知
獨懷謝康樂

月映清淮流

淮月秋徧靜含虛夜轉明桂花窺鏡發蟾影映波
生淡灩輕初上徘徊魄正盈遙塘分草樹近浦寫
山城桐栢流光逐蠓珠濯景清孤舟方利涉更喜
照前程

清風戒寒

蕭颯清風至悠然發思端入林翻別葉繞樹散紅

蘭曉拂輕霜度宵分遠籟攢稍依簾隙靜遍覺座
隅寒乍逐驚蓬振偏催急漏殘遙知洞庭水此夕
起波瀾

宿炯含白露

重前

杳有新意微々曙色幽露含疎月靜光與曉炯
浮迥野遙凝素空林望已秋著霜寒未結凝葉滴
還流比玉偏清潔如珠詎可收徘徊阡陌上瞻想
但淹留

長安早春

香靄三春色先從帝里芳折楊猶恨短測景已忻

長鸚和紅樓樂花連紫禁香躍魚驚太液佳氣接
溫湯風送飛珂響塵蒙翠輦光熙々晴煦遠徒歆
奉觴觴

日暮山河清

天高爽氣晶馳景忽西傾山列千重靜河流一帶
明想同金鏡徹寧讓玉壺清纖翳無由出浮埃不
復生榮紆分漢苑表裏見秦城逸興終難繫抽毫
仰此情

空水共澄鮮

悠然四望通渺々水無窮海鶴飛天際烟林出鏡

中雲霄澄遍碧霞起淡微紅落日浮光滿遙山翠
色同樵聲喧竹嶼棹唱入蓮蓼遠客中舟興煩襟
暫一空

晦日同志昆明池汎舟

靈沼疑河漢蕭條見斗牛烟生知岸近水淨覺天
秋落月低前樹清輝滿去舟興回孤嶼起心為白
蘋留晚吹兼漁笛閑雲伴客愁龍津如可上長嘯
且乘流

寒流聚細文

曉野方閑眺橫溪賞亂流寒文趨浦急圓折逐烟

浮不謂飄疎雨非關浴遠鷗觀魚鱗共細間石影
疑稠獵々風冷夕潺々瀨響秋仙槎如共泛天漢
遙淹留

郊壇聽雅樂

泰壇恭祀事彩仗下寒坳展禮陳嘉樂齊心動衆
靈韻長飄更遠曲度靜宜聽泛響何清越隨風散
杳冥微懸和氣聚旋暎曉山青本自鈞天降還疑
列洞庭

冊上公太常奏雅樂

司樂陳金石逶迤引上公奏音人語絕清韻珮聲

通應曆烟雲改來儀鳥獸同得賢因舉頌修禮便
觀風聖壽三稱內天歌九奏中寂寥高曲盡猶自
滿宸聰

聽霜鍾二首

渺々飛霜夜寥々遠岫鍾出雲疑斷續入戶乍春
容度枕頻驚夢隨風幾韻松悠揚來不已香霽去
何從髣髴烟嵐隔依稀巖嶠重此時聊一聽餘響
繞千峯

又

寥亮來豐嶺分明辨古鐘應霜如目擊中節每相

從靜聽非閑扣潛應蘊聖踪風間時斷續雲外更
春容虛警和清籟雄鳴隔亂峰因之論知己感激
更難逢

笙磬同音

笙磬間何處淒鏘宛在東激揚音自徹高下曲宜
同歷々俱盈耳泠々遞散空獸因繁奏舞人感主
和通詎間洪纖韻能齊搏拊功四懸今盡美一聽
辨移風

玉卮無當

共惜連城寶翻為無當卮詎慚君子貴深訝拙工

隨泛蟻功全少如虹色不移可憐
礫石何計辨
糟醕江海誠難滿盤筵莫妄施縱
車酹酌意猶得
奉先儀

府試古鏡

舊是秦時鏡今來古匣中龍盤初挂月鳳舞欲生
風石黛曾留殿朱光適在宮應祥知道泰監物覺
神通肝膽誠難隱妍媸信易窮幸居君子室長願
免塵蒙

花發上林

花發三陽盛香飄五柞深素暉雲積苑紅彩繡張

林落水隨魚戲搖風映鳥吟瓊樓出高艷玉輦駐
濃陰亂蝶枝間影繁蜂葉上音鮮芳盈禁籞布澤
荷天心

禮闈階前春草生

河畔雖同色南宮淑景先微開戎履處常對講經
前得地風塵隔依林雨露偏已逢霜候改初寄日
華妍影與叢蘭雜榮將衆卉連哲人如不難生意
在芳年

秋風生桂枝

寒桂秋風動蕭々自一枝方將擊林變不假舞松

移散翠幽花落搖青密葉離哀猿驚助裏花露滴
爭垂遺韻連波聚流音萬木隨常聞小山裏逋客
最先知

幽人折芳桂

厚地生芳桂遙林聳幹長葉開風裏色花吐月中
光曙鳥啼餘翠幽人愛早芳動時垂露滴攀處拂
衣香古調聲猶苦孤高力自強一枝終是折榮耀
在東堂

霜菊

秋盡北風去律移寒氣肅淅瀝降繁霜離披委殘

菊華滋尚煦灼幽氣含紛郁的的冒空園暮被
幽谷騷人有遺咏陶令曾盈掬恍使懷袖中猶堪
襲餘馥

金谷園花發懷古

春風生梓澤遲景映花林
歡聞當時事因傷此日
心繁華人已歿桃李意何
深澗咽歌聲在雲歸蓋
影沉地形同萬古笑價失
千金遺跡應無限芳菲
不可尋

驪龍

有美為鱗族潛蟄得所從
標奇初韞寶表智即稱

龍大壑長千里深泉固九重
喬嶽雲乍起矯首浪還衝
荀氏傳高譽莊生真絕踪
仍知流淚在何幸此相逢

鶴鳴九臯

胎化呈仙質長鳴在九臯
排空散清唳映日委霜毛
萬里思寥廓千山望鬱陶
香凝光不見風積韻彌高
鳳侶攀何及雞群思忽勞
昇天如有應飛舞出蓬蒿

霜隼下晴臯

九臯霜氣勁翔隼下初晴
風動閑雲捲星馳白草

平稜方厲疾肅自縱橫掠地秋毫迥投身逸
翻輕高墉全失影遂雀乍飛聲薄暮寒郊外悠悠
萬里情

河鯉登龍門

年久還求變今來有所從得名當是鯉無點可成
龍俗歷艱難適因期造化容泥沙寧不阻釣餌莫
相逢擊浪因成勢纖鱗莫繼踪若令搖尾兩露
此時濃

已籤七無名氏詩三

唐音統籤卷八百七

題長樂驛壁

據言云大中十年鄭顥典文放榜後謁假觀省于洛生徒餞長

樂驛俄有紀于屋壁云

三十驂騑一烘塵來時不鎖杏園春楊花滿地如

飛雪應有偷游曲水人

絕句

顧陶類詩云不知名氏

傳聞天子訪沉淪萬里懷書西入秦早知不用無

媒客恨別江南楊柳春

採珠行

以下見郭茂倩樂府

海波無底珠沉海採珠之人判死採萬人判死一

得珠斛量買婢天何在年年採珠也避人今年採
珠由海神海神採珠也盡死死盡明珠空海水珠
為海物屬海神也今自採何況人

昔昔鹽

碧落風烟外瑤臺道路賒如何連御苑別自有仙
家此地回鸞駕綠溪滿翠華洞中明月夜窓下發
烟霞

王昭君

猗蘭思寵歇昭陽幸御稀朝辭漢闕去夕見胡塵
飛寄信秦樓下因書秋雁歸

又

一回望月一回悲望月月移人不移何時得見漢
朝使為妾傳書斬畫師

粉牋題詩

萬首
花句

三月江南花滿枝風輕簾幙燕爭飛游人休惜夜
東燭楊柳陰濃春欲歸

咏美人騎馬

以下唐
詩紀事

駿馬嬌仍穩春風灞岸晴促來金蹀躞扶上玉人
輕帽束雲鬟亂鞭籠翠袖明不知從此去何處更
傾城

六言詩

把酒留君聽琴那堪歲暮離心霜葉無風自落秋
天不雨多陰人愁荒村路遠馬怯寒溪水溪望盡
青山猶在不知何處相尋

胡笳曲

見唐音

月明星稀霜滿野鐘車夜宿陰山下漢家自失李
將軍單于公然一作日暮來牧馬

桃源行送友人

見品彙

武陵川徑入幽遐中有雞犬秦人家
傍流水多桃花桃花西邊種來久
流水一道何時有垂條落蕊

暗春風夾岸芳菲至山口歲々年年能寂寥林下
青苔日為厚時有仙鳥來銜花曾無世人此攜手
可憐不知若為名君往從之多所更古驛荒橋平
路盡崩湍怪石小谿行相見維舟登覽處紅堤綠
岸宛然成多君此去從仙隱令人晚節悔營々

唐衢墓

吟室
雜錄

京洛先生三尺墳陰風慘々土和雲從來有感君
皆笑今日無君誰哭君

宮詞

以下見唐
絕增奇

花萼樓前春正濃漾々柳絮舞晴空金錢擲罷嬌

無力笑倚欄干屈曲中

拋毬詩

侍宴黃昏未肯休
玉階夜色月如流
朝來自詭承恩最
笑倩傍人認繡毬

艷歌

月裏嫦娥不画眉
只將雲霧作羅衣
不知夢逐青鸞去
猶把花枝羞面歸

楊柳枝

花艸粹編
云唐人作

萬里長江一帶開
岸邊楊柳幾千栽
錦帆未落西風起
惆悵龍舟去不回

河中石刻

許彥周云嘉祐中河濱漁網得一
小石刻有此不知唐時何人作

兩滴空階曉無心換夕香并梧花落盡一竿在銀
冰

古硯

見錦
畧

癖性愛古物終歲求不得昨朝得古硯蘭河灘之
側波濤所擊觸背面生隙隙質狀朴且醜令人作
不得

絕句

郭應
畫意

釣罷孤舟繫葦梢酒開新甕鮮開包自從江浙為
漁父二十餘年手不撈

題童氏畫

宣和畫譜童氏者五代時江南人
畫學王齊工道終人物有文士題

具画

云

林下材華雖可尚
筆端人物更清妍
如何不出溪
閨裏能以丹青寫外邊

失題

易帖

春朝散微雨
庭樹開芒綠
上有懷春鳥
間關斷復
續謂言
野中定是珠城曲
我自牽時幸以慙羈
旅東爾不鳴幽林來此將何欲

姜宣彈小胡笳引歌

蜀中方物記桂府王推
官出蜀匪雷氏金徽琴

請姜宣彈小胡笳引

時有為作歌者云云

雷氏金徽琴王君寶重輕千金三峽流中將得來
明憲拂席出匣開朱絃宛轉盤鳳足驟擊教聲風
雨回哀笳慢指董家本姜宣得之妙思付汎徽胡
雁咽蕭々統指輓轡圓哀々吞恨含情乍輕激故
國關山心歷々潺湲疑是舞鸛鶒驚鷗如聞磬鳴
鏞流宮變徵漸幽咽別鶴欲飛猿欲絕秋霜滿樹
葉辭風寒維墜地烏啼血哀絃已罷春恨長恨長
何如懷我鄉我鄉安在長城窟聞君虜奏心飄忽
何時窄袖短貂裘燕脂山下彎明月

羅浮山

太平廣記云此山本只名羅山思海
上有山浮來相合是謂羅浮山有十

五嶺二十一峯九百八十瀑泉洞
穴他山無出其右也舊有詩曰

四百餘峯海上排根連蓬島蔭天台百靈若為移

中土嵩華都為一小堆

湯周山

山在今嵩縣縣相傳晉湯周二仙入
修道之所故名詩載唐劉松宜陽集

失姓
名

湯周二大仙廬此得昇天風俗因興廟春秋不記

年錦雲張紫蓋琴溜馮鳴泉丹灶猶存鼎仙花發

故園

永州舜廟詩

與地碑目云虞帝廟在永州學
西唐元結作舜廟狀及舜祠表

俱江華令翟令問篆刻石上志舊載謂
漢載侯熊渠作不知何謂詩乃唐人作也

游湘有餘怨豈是聖人心行路猿啼古祠宮夢草
深素風傳舊俗異跡閑荒林廵狩去不返烟雲愁
至今九嶷天一半山盡海沉沉

絕句

方輿勝覽

綠楊陰轉画橋斜舟有笙歌岸有花盡日會稽山
色裏蓬萊清淺水仙家

三學山盤陀石上刻詩

蜀中詩話云不註作者名姓年代想唐人

隨駕入蜀者

拔地山巒秀排空殿閣斜雲供數州雨樹獻九天
花夜月摩峰頂秋鐘徹海涯長松拂星漢一一是

仙槎

合水縣玉泉石崖刻

陝西名勝志云不書名氏

山脉遙飛泉泓澄傍岩石亂垂寒玉篠碎洒珍珠
滴澄波涵萬象明鏡涵天色有時乘月來賞咏還
自適

紀游東觀山

見廣西名勝志山在桂林府城外三里

瑰奇恣搜討貝闕青瑤房才隘疑永巷俄敞如華
堂玉梁竊浮溪瓊戶正當憲仙佛肖彷彿鐘鼓鐃
擊撞巔、左顧龜信、欲吠龐丹灶儼止恙芝田
靄生香搏噬千怪聚絢爛五色光更無一塵浣但

覺六月涼玲瓏穿屢折詰曲通三湘神鬼若剗剗
乾坤真混沌入如溪夜暗出喜皦日光隔世驚瞬
息異境難揣量

句

都來消帝力全不用兵防

以下齊已風驟目格

道遠聲空

鉢溪山踏落花

船中江上景晚泊早行時

山

寺鐘樓月江城鼓角風

雨過花爭出雲空月半

生鳥正啼隋柳人須入楚山

高松飄雨雪

一室掩香燈

遂有冥心者還尋此境來

又曰

風雨夜重到古松門

道晦金雞伏時來木馬鳴

誰來看山寺自去掃松門 此生還自喜餘事

不相侵 白髮無心鑷青山得意多 一春能幾

日無雨亦多風 苦雨秋濤漲狂風野燒翻 須

知三尺劍只為不平磨 要路爭先進閑門肯暫

過 已難消永夜况復聽秋霖 大雪路亦宿深

山水也吞僧贈 捲簾黃葉落鐫印子規啼 亡國

空流水孤祠掩落花 山旌隔窻舞鵬鳥入簾

飛 萬里八九月一身西北風 磴危扳薜荔石

滑踈莓苔 日落無行客天寒有去鴻 正思浮

世事又到古城邊 尋常風雨夜應有鬼神看

寄宿山中寺相辭海上僧 風吹榆莢葉雨打木

瓜花良穀子詩格 是星皆拱北無水不朝東

以下梅堯臣 續金針詩格 西風起邊雁一一向瀟湘 那堪

懷遠路猶自上高樓 白雲風散盡紅葉水流來

以下徐寅 妾如無異意君棄也甘心 麝香眠

石竹鸚鵡啄金桃 古迹應重別生緣不暫停

一個字未穩數宵心不閑 別地葉頻落去程山

已寒 但取詩名得何論下第頻 早起赴前程

鄰雞尚未鳴以下文 白地一回雨兒孫拾得金

軒車在何處而雪滿前山 燈微山館兩角咽

海城秋 去帆看已遠臨水立多時

以下桂林詩評

家貧為客早路遠得書稀 瀑布五千仞草堂瀑

布邊 我憶雲門寺門前千萬峰 一瓶居無外

萬木老禪中 秋江洗一鉢寒日晒三衣 空山

行客少獨樹晚蟬多 一片月生海幾家人上樓

待月以下王正字詩中旨格 憲寒風漸緊燈落夜將深

言懷 雲夢幾行去瀟湘一夜空 送雁 無風來竹

院有月在蒹庭 蟋蟀 故園從小別夜雨近秋聞

書劍別南州炎荒萬里游 山盤樵徑上人到

雪房遲 路經秋雨後人入亂峰來 獨樹知秋

早孤舟覺夜寒 馬飢食落葉鶴宿曉殘陽 路

遠春行盡家貧愁到時 以下吟 憲雜錄 臨水通宵坐知

君此興同 江聲兼小雨暝色入啼猿 以下並見 樹萱錄

墨莊漫錄云 樹萱錄所引詩句皆佳絕 蓋唐人之 善詩者為之 何遠謂此言 劉禹作今 及唐書 藝文

志小說 題自 有此書名 為唐人詩句 無疑也 藕隱玲瓏玉花藏縹緲

容 紅樹醉秋色 碧溪彈夜絃 網斷蛛猶織 梁

空燕不歸 倒身無著處 呵手不成溫 事文類聚 云唐人苦

寒 幾多詩 弟子無限酒 知聞 海錄碎事 時人 悼方干詩 失名

冰上小薰籠 韶州新退紅 陸放翁集注 引云 唐樂府 看時人

步澁展處蝶爭來 見聞志 于兢善 画牡丹 初從學 舍見牡丹 至盛 紡為之 不誤句

奪真人題其所画魏字
德源長安人梁宰相也
酒味雜蓮氣香冷勝於

冰輪園如象鼻瀟灑絕青
楊此唐川修林伐山云
此唐人碧筍杯詩陳

暗伯以為夢見西陽雜俎楊
括其語非詩今姑附五言末
太宗皇帝真長

算賄得英雄盡白頭
其有老死于文場者亦无所
國史補曰進士科得之艱難

暇故詩云画慢錄以馬趙
曾題名處添前字送
眼故作未足拋

出城人乞舊衣
據言云神龍已來古園宴後皆於
慈恩塔下題名及第後知閭或遇

未及第時題名處則為添
華陽觀裏鐘聲集建
前字故昔人有詩云云

福門前鼓動期
南都新書云新進士放榜後翌日
排光範門候過宰相雖云排建福

門集于西方館者有
隴右諸侯供語為日南太
詩云云即其目也

守送名花
異物奉之時有題詩云云
劇誤錄李德裕營平原遠方之人多以

八百孤寒齊下淚一時回首望崖州

據言德裕為相頗為寒進

開路及誦官南去人咏此

讓却已令多士伏沽名還得世人

間

紀事云陳咏蜀人有詩名善奕基昭宗幸陝之歲策名歸蜀韋莊以詩賀之鄉中有嫉善者屬

和草詩云云此之

人為子推初禁火花愁青女

再飛霜

詩出文類聚云寒食

棟花開後風光好梅

子黃時雨意濃

東華錄云江南自初春至初夏有二十四番花信風最後為棟花

風故唐人

蘭湯脩浴傳荆俗水馬浮江吊屈魂

有北句

荆楚歲時記云唐人平日詩南方親渡治

城頭

其每使輕利名飛鳧名水車又名水馬

東華錄云唐人詩有此乃知酒席

椎鼓傳花枝席上搏拳握松子

東華錄云唐人詩有此乃知酒席

藏閱為戲其來也久

鳥向不香花裡宿人從無影月中歸

雪輕著凍痕銷水面密隨和氣入花根春雪萬木盡

如花落候四簷鳴若雨來時晴雪王荆公嘗舉此三聯云唐詩

濃綠萬枝紅一點動人春色不須多方云王介甫

在翰苑見梨花正開一果有詩陳正敏晚菰細

切肥牛肚新笋初嘗嫩馬蹄見錦綉萬花谷煙離楚樹

鳴猶少葉到嵩山落更多以下風格風和日暖方

開眼兩涓烟濃不舉頭寔前閑咏鴛鴦句壁上

時觀獬豸圖可能有事關心後得似無人識面

時一點孤燈入夢覺萬重寒葉兩聲多以下炙

格此心只待相逢說時復登樓看遠山九江

有浪船難濟三峽無猿客有愁四海魚龍精魄

冷五山鸞鳳滑毛寒誰家綠酒歡留客何處紅

樓睡失明雨露施恩無厚薄蓬蒿隨分有枯榮

以下梅堯臣續金剛詩格去年花下留連飲暖日天桃鸚鵡亂

啼今日江邊容易別淡烟衰草馬頻嘶蛇蝎性

靈生便毒慈蘭根異死猶香三間茅屋無人到

十里松門獨自游翻憶舊山青碧裏遠庵閑伴

野僧禪雲

已籤七無名氏詩之四

唐音統籤卷

八百七十一

題焚經臺

計經國紀云漢明帝世佛法初入中國于永平十四年正月十五日

大集白馬寺南門會道士齋靈寶諸經與

佛道經像舍利置西壇舉火焚燒佛舍利放

光道經燬燼無存後人同其處稱焚經

臺也此詩我翻

聲調不類要

門徑蕭々長綠苔一回登此徘徊青牛謾說函

關去白馬親從印土來確實是非惡烈焰要分真

偽築高臺春風也解嫌狼籍吹盡當年道教灰

題取經詩

載翻詳名義集云唐義淨三藏作其声詞似非初唐姑存之再攷

晉宋齊梁唐代間高僧求法離長安去人成百歸

無十後者安知前者難路遠碧天唯冷結沙河遮

日力疲彈後賢如未諳斯旨往往將經容易看

毛仙翁贈行詩

仙翁名千字鴻漸大中時以丹藥游湖廣間自稱年數百歲嘗携元和

和朝彦贈詩一編示人以信已之多壽蜀道士杜光庭與之立序而朱晦菴直斷其誣語具韓昌黎集注中其為偽證無疑也以詩出彼時例無刪擲姑錄存無名氏宋荅仍列諸公名下為贈詩似獨可與已前入戊籤內

紫霄仙客下三山因救生靈到世間電鶴計年承

甲子冰霜為頂駐童顏韜藏休咎傳真籙變化枯

榮試小還從此更教塵骨貴九霄雲路願追攀

宣州渾是上清宮客有真人貌似童紺髮垂纓光

鬢

居六切
髮貌

細髯緣頰綠茸。壺中藥助梯霞訣。

肘後方書縮地功。既許焚香為弟子。願教年紀共

椿同。

今狐
楚

范。塵累愧腥膻。強把蜉蝣望列仙。閑指紫霄峰

下路。却歸白鹿洞中天。吹簫鳳去經何代。茹玉方

傳得幾年他日。更來人世看。又應東海變桑田。

李程

不知仙客占青春。肌骨總教稱面。旬俗眼暫驚相

見日。疑心未測幾時人。閑推甲子經何代。笑說浮

生老此身殘。藥僥能沾朽質。願將霄漢永為隣。

李京

問

存亡去住一壺中
兄事安期弟葛洪
甲子已過千歲鶴
儀容方稱十年童
心靈暗合行人數
藥力潛均造化功
終待此身無繫累
武陵山下等黃公
崔冰霜肌骨稱童年
羽駕何由到俗間
丹灶化金留秘訣
仙宮嗽玉叩玄關
壺中世界青天近
洞裡烟霞白日閑
若許隨師去塵網
願陪鸞鶴向三山
王起玉潤溶溶仙氣淡
含光混俗似無心
長愁忽作鶴飛去
一片孤雲何處尋
李益

先生赤松侶
混俗游人間
崑閬無窮路
何時下故山
千年猶孺子
秘術救塵寰
莫便冲天去
雲雷不

可攀

楊於陵

天上玉卽騎白鶴肘後金壺成妙藥暫游下界傲
五侯重者當時攜城郭羽衣葺輕似雪雲上斐
童持絳節王母親縫紫錦囊令向懷中藏秘訣令
威子晉皆儔侶東嶽同尋太真女搜竒綴韻和陽
春文章不是人間語藥成自固黃金骨天地齊分
身不歿日月宮中便是家下視崑崙何突兀童姿
玉貌誰方比玄髮綠髯光滿口滿朝將相門弟子
隨師盡願拋塵滓九轉琅玕必有餘願乞刀圭救
生死

楊嗣復

仙駕初從蓬島來相逢又說向天台一言親授希
微訣三夕同傾沆瀣杯此日臨風飄羽衛他年嘉
約落藍梅花前揮手超遙去目斷霓旌不可
陪

元稹

安期何事出雲烟為把仙方與世傳只向人間稱
百歲誰知洞裏過千年青牛到日迎方朔丹灶開
時共稚川更說桃源更深處異花長占四時天

師

沈傳

莫將凡聖比雲泥椿菌之年本不齊度世無勞大
稻米昇天只用半刀圭人間嗟對黃昏種海上開

聰碧落雞旌節行中令引道便從塵外踏丹梯崔元

桃源千里遠花洞四時春中有含真客長為不死人松高枝葉茂鶴老羽毛新莫遣同籬槿朝榮暮

化塵柳公偉

仙翁已得道混跡尋岩泉肌膚冰雪淨衣服雲霞鮮紺髮綠並纖韶容花共妍方瞳點玄漆高步凌非烟幾見桑田變莫知龜鶴年所憇九霄外所游五嶽巔軒昊舊為侶松喬難比肩每嗟人世入役役如狂顛孰能脫羈鞅盡遭利名牽親隨歲華換

神逐光陰遷。唯余負憂譴。憔悴盜江壩。衰髮忽霜
白。愁腸如火煎。羈旅坐多感。徘徊私自憐。晴眺五
老峯。玉洞多神仙。何當憫湮厄。授道安虛屨。我師
惠然來。論道窮重玄。浩蕩八溟濶。志奉心超然。形
骸得無束。得喪亦都捐。豈識椿菌異。那知鵬鷃懸。
丹華既相付。促景定當延。玄功曷可報。感極唯擎
拳。覽旌不可駐。麟駕又歸旋。語罷倏然別。孤鶴昇
遙天。賦詩叙明德。永續步虛編。白居易
憶昔我祖神仙主。玄元皇帝周柱史。曾師軒黃友堯
湯。混沌和光佐周武。周之天子無仙氣。成武康

劇都瞥爾穆王粗識神仙事八極輪蹄方逞志鶴
髮齠真世不知日月星辰幾回死金鼎作丹丹化
碧三萬六千神入宅仙兄受術幾千年已是當時
駕鴻客海光悠容天路遠春風玉女開宮苑紫筆
親教書姓名玉皇詔刻青金簡桂憲一別三千春
秦妃鏡裏娥眉新忽控香輿天上去海隅劫石消
為塵一從仙駕離中土頑日昏風老無主九州爭
奪無時休八駿垂頭避豺虎我亦玄元千世孫眼
穿望斷蒼烟根花間白鳳竟冥冥飛春走月勞神
昏百年命促奔馬疾愁腸盤結心摧崕今朝稽首

拜仙兄願贈丹砂化秋骨

李紳

武昌山下蜀江東重向仙舟見葛洪又得案前親

禮拜大羅仙訣玉函封

劉禹錫

毛仙翁毛仙翁容貌常如二八童幾歲頭梳雲髻

綠無時面帶桃花紅眼前人世閱滄海時後藥成

辭月宮方口秀眉編貝齒瞭然灵々雙瞳子芝椿

稟氣本堅強鳬鶴計年應不死四海五山長獨游

矜貧傲富欺王侯靈通指下軌魔化瑞氣爐中金

玉流定是炁霞列仙侶暫來塵俗救危苦紫霞妖

女瓊華飛秘法虔心傳付與陰功足陰功成羽駕

何年歸上清待我休官了婚嫁桃源洞裏覓仙兄
張仲方